

ՔԱՂԱՔԱԿԱՆ ՏԵՍՈՒԹԻՒՆ

Բոլոր այն մարդիկ, որոնք Բիսմարկի պաշտօնավարութեան ժամանակ աշխատում էին նորան ներկայացնել որպէս միակ մարդ, որից իբր կախած է դրութեան այս կամ այն մտքով փոփոխութիւնը, այսօր ստիպւած են խոստովանելու, որ նոքա սխալւած են։ Եւ մանաւանդ մամուլի այն մասը, որը Բիսմարկի պաշտօնավարութեան ժամանակ նրան վերագրում էր ամենասատանայական դիտումներ և ներկայացնում նորան իբր ժամանակիս յաւաքդիմութեան ամենամեծ խոչընդոտը,—այսօր, փոխելով իւր լեզուն, որպէս վայել է անխելք և անազնիւ մամուլին, զւարճութիւն է գտնում Բիսմարկի մասին պատմել նոր առասպելներ, բայց ոչ թէ նորան չար դե ներկայացնելու համար, այլ նորա անունը սիրելի և ժողովրդական դարձնելու համար։—Այդ տեսակ մամուլի դատողութիւններին չը պէտք է հաւատ ընծայել առհասարակ, լինին այդ դատողութիւնները նպաստաւոր, թէ աննպաստ, որովհետեւ գլխաւորը ընթերցողների համար այն է, որ իրերի դրութիւնը ներկայացնելի իւր իսկական լոյսով։ Իսկ մեր ակնարկած մամուլը, յեղաշրջած դատողութիւններ տալով քաղաքական անձնաւորութիւնների մասին, միշտ ստիպւած է նաև իրերի իսկական դրութիւնը յեղաթիւրել և կեղծ բացատրութիւններ տալ։

Այսպէս, օրինակ, եւրոպական միլիտարիզմը, այսինքն կանգուն զօրքերի մշտական աճումը վերագրում էր Բիսմարկին, փոխանակ այդ բանը վերադրելու քաղաքական ընդհանուր պայմաններին, այն պայմաններին, որոնց տեղականութիւնը ամենևին չի կապւած նորա հետ, թէ Բիսմարկ իւր պաշտօնում կը մնայ թէ ոչ։

Եւ ահա, այժմ, Բիսմարկի հեռանալուց յետոյ, գերմանական երկտասարդ կայսեր առաջի մեծ քաջից յետ՝ վերաբերեալ բանորա-

կան խնդրին, յաջորդեց միւսը, վերաբերեալ գերմանական զօրքին, որը, նոր զինւորական առաջարկութեան համաձայն, պէտք է զգալապէս ուժեղացնէի: Ներկայ թւականի փետրւարին ընտրւած նոր ռէյխս-տագը (Գերմանիայի պատգամաւորների ժողովը կամ պարլամենտը) պէտք է քննէր այդ օրինագիծը: Եւ ոչ մի կասկած չըկայ, որ այդ օրինագիծը կ'ընդունէի, չը նայած որ ներկայ ռէյխս-տագի կազմը, որպէս յայտնի է, շատ աննպաստ է համարուում կառավարութեան:

Այդ նոր զինւորական օրինագծի վերայ մենք առանձնապէս կանգ չենք առնիլ, որովհետեւ նորա նշանակութեան գնահատումը ենթադրում է ծանօթութիւն եւրոպական գլխաւոր պետութիւնների զինւորական դրութեան հետ, մի խնդիր, որին մենք կը դառնանք մի ժամանակ, բայց որը այժմ մեզ հեռու կը տանէր: Ժամանակի սղութիւնը մեզ թող չի տալիս այժմ մի այդպիսի յօդւած ներկայացնելու:

Եւրոպայի ներքին քաղաքական անցքերի կողմից այս մայիս ամսին ամենից շատ իւր վերայ ուշադրութիւն գրաւեց Ֆրանսիան: Հանրապետութեան նախագահ Կարնօի ձանապարհորդութիւնը Ֆրանսիայի մէջ, նոր տոմարով ապրիլի 27-ին կատարւած ընտրութիւնները Պարիզի համայնքի խորհրդի համար և Բուլանժեան կուսակցութեան իսպառ ջարդելը այդ ընտրութիւններին, Աֆրիկայի մի աւազակային և բարբարոս թագաւորութեան, այն է Դահոմէյի դէմ բացւած կռիւը, մամուլի ազատութիւնը սահմանափակող օրինագծի չ'ընդունելը պատգամաւորների ժողովում, Դէյֆուս պառլամաւորի բրոշիւրը և Ժիւլ Ֆերրիի գիրքը Տօնկինի մասին, — ահա՛ այն գլխաւոր խնդիրները, որոնք խօսակցութեան գլխաւոր առարկաները եղան ներկայ մայիսին: Դոցանից առանձին յիշատակելու արժանի են Բուլանժեան կուսակցութեան ջարդելը, մայիսի 1-ի տօնը և մամուլի վերաբերեալ օրինագիծը:

Բուլանժեան շարժման մասին մենք արդէն մի երկու անգամ առիթ ենք ունեցել ընդարձակօրէն խօսելու: Մեր ընթերցողներին ծանօթ է Բուլանժէի անձնաւորութիւնը, նորա բարձրանալու և

զարգանալու պատմութիւնը. յայտնի է նաև նորա կուսակցութեան առաջին մեծ պարտութիւնը անցեալ տարւոյ սեպտեմբերին եղած պարլամենտական ընտրութիւնների ժամանակ:

Բուլանժէն, այդ ընտրութիւններին, յաղթեց գաւառներում, բայց Պարիզ քաղաքում նա ունեցաւ նշանաւոր յաջողութիւնների: Ահա այդտեղ է, որ բուլանժականութիւնը ուզում էր իւր բունը հաստատել և ապագայում գուցէ Պարիզի միջոցով, այսպէս ասած, Ֆրանսիային տիրել: Ապրիլի 27-ին Պարիզի մայրաքաղաքը, շրջակայքով, պէտք է ընտրէր 88 հոգի ձայնաւորներ համայնական խորհրդի համար: Եթէ այդ ընտրութիւններին Բուլանժէն կարողանար իւր կուսակիցներին ընտրել տար և դումայում մեծամասնութիւն ձեռք բերել,—այն ժամանակ Բուլանժեան կուսակցութիւնը զաւթած կը լինէր մայրաքաղաքը: Դորա հետևանքները բացատրութեան կարօտ չեն:

Արդ, ապր. 27-ի համայնական ընտրութիւններին Բուլանժեան կուսակցութիւնը կրեց աւելի ևս մեծ ջարդ, քան անցեալ տարւոյ պարլամենտական ընտրութիւններին: 88 հոգուց բուլանժական ձայնաւորներ ընտրեցին միայն երկու հոգի: Կուսակցութիւնը այժմ ինքն էլ խոստովանում է իւր քաղաքական ոչնչութիւնը, բայց դեռ ևս ապագայի համար յոյսերը իսպառ չի կորցնում, որովհետև մայրաքաղաքում Բուլանժեան կանգիդատներին պատկանող ընտրողների թիւը այնու ամենայնիւ հասնում է 144.000-ի:

Մայիսի 1-ին պէտք է կատարւէր մի «համաշխարհային» տօն բոլոր բանւորների: Տեսնւած էին մեծամեծ նախապատրաստութիւններ՝ այդ տօնին քաղաքական շարժման մեծ ցոյցի բնաւորութիւն տալու համար: Դիտւոր կենդրոնակէտը ընտրւած էր Պարիզ քաղաքը: Իսկ է, ցոյցեր եզան, եղան նաև փորձեր յեղափոխական շարժումների. բայց ներքին գործերի մինիստր Կոնստան'ի արի գործունէութեան շնորհիւ, որը ամեն նախազգուշական միջոցներին դիմել էր, շարժումը սահմանափակեց և յեղափոխականները չը կարողացան իրանց նպատակին հասնել: Կոնստան'ի ժողովրդականութիւնը դորանով աւելի ևս աճեց: Ամենքը այժմ գիտեն, որ Կոնստան'իներ-

կայութիւնը մինիստրութեան մէջ ուժեղ կառավարութեան գրաւականն է:

Գալով այժմ մամուլի ազատութեան դէմ սենատում առաջարկւած և ընդունւած օրինագծին, որը պատգամաւորների ժողովը մերժեց, պէտք է ասած հետեւել: Թերևս ոչ մի երկրում մամուլը չի վայելում այն կատարեալ ազատութիւնը, ինչպէս Ֆրանսիայում: Բայց և ոչ մի երկրում այդ ազատութիւնից այնքան չեն օգտուում այս և այն կառավարչական անձին վիրաւորելու, զրպարտելու, անպատուելու՝ կուսակցական շահերի համար, որքան Ֆրանսիայում: Զրպարտւածը դիմում է դատարանին, որը դատում է ընդհանուր օրէնքների համաձայն և երդեալ դատաւորները դատում են իրանց խղճի համաձայն: Այդ պրօցեսները ձեռաց չեն կատարում, այլ ինչ և իցէ ձգձգում են: Բացի դորտնից՝ երդեալները շատ յաճախ դատում են քաղաքական կուսակցութիւնների ազդեցութեան ներքոյ:

Այդ չարիքների դէմն առնելու համար, մանաւանդ որ քաղաքական շարժումների ժամանակ, երբ մամուլի ստոր ներկայացուցիչները, մի որոշ գործնական նպատակին հասնելու համար, չեն քաշուում և չեն վախենում ստութիւնների և զրպարտութիւնների դիմել, առաջարկութիւն եղաւ այդպիսի գանգատներով դիմել ոչ երդեալ դատաւորներին, այլ մեղադրւածին յանձնել այսպէս կոչւած ուղղիչ պօլիցիական դատարաններին, ուր գործերը քննուում են արագ կերպով և ոստիկանական կանոններով:

Սենատը ընդունել էր այդ օրինագիծը. պատգամաւորների ժողովը մերժեց: Կառավարութիւնը ինքը հակառակ էր սենատի օրինագծին: Եւ ահա հիմունքը: Մամուլի ազատութիւնը դառել է Ֆրանսիայում մի ազգային կարեւոր հաստատութիւն: Հանրապետական կեանքի հետ սերտ կապւած է մտքի ազատ արտայայտութեան կարելիութիւնը: Արդ, եթէ վատերին ուղղելու համար մամուլը եթարկի ազատութեան սահմանափակման, այն ժամանակ, մանաւանդ վատ և յետադէմ կառավարիչների օրերով, մամուլի ազատութիւնը առհասարակ վտանգի մէջ կը լինի և մամուլը ինքը կ'ընկնի կառավարութեան ճնշման տակ: Այս մտքով խօսեց պատգա-

մաւորների ժողովում Ղեշանէլ, յայտնի պրօֆեսորը, մինչդեռ նորա հակառակորդն էր Բէշախ, դեռ ևս երիտասարդ՝ բայց ներկայ հրապարակասիւսների մէջ փայլուններից մէկը, հանգուցեալ Դամբետուայի բարեկամը։ Սրինազիձը չ'ընդունեց, մանաւանդ այժմ, երբ Ֆրանսիան նորերումս ապացուցեց, որ զրպարտութիւններով և ղեփամաքիայով զանազան բուլանժէներին չի յաջողւիլ ազգի մեծամասնութեան խաբել, երբ կառավարութիւնը ինքը իւր պաշտօնը կը կատարի, որպէս օրէնքը այդ թոյլ է տալիս և պահանջում։

Z.